

24. oktober 2013

UKA 2013/20
Jens Immanuelson

Inatsisartut taakkulu allaffissornikkut immikkoortuisa illussaannik nappaanissamut Siulittaasoqarfiup pilersaarussiaanut Inatsisartut tapersiinissaannut alajangiiffigisassatut siunnersuut.

(Inatsisartut Siulittaasoqarfiat)

Siumup pingaartitaraa sulinermi Avatangiisit atortullu pitsaasut aamma inatsisartunut ilaasortat taakkulu allaffissornikkut sulisuisa sulliviisa pitsaasuunissaat.

Taamaattumik upernaag 2013-mi qinersinerup kingornatigut Inatsisartut Siulittaasoqarfiata Inatsisartut ataatsimiittarfissaannik, kiisalu ilaasortat partiit allaffeqarfiinit allaffissornikkullu sulisisunit assigiinngitsunit allaffiusussanik taamatullu atortorissaarusersukkanik Inatsisartut illussaannik Siulittaasoqarfimiit suliniuteqartoqarnissaannik Inatsisartut tapersiinissaannut aalajangiiffigisassatut siunnersuut Siumumiit ilassilluarparput.

Illorsuaq allaffeqarfiillu maannakkut atorpeqartut ukiut 30-it sinnerlungit pisoqaassusillit sulilu atorpeqartut eqqarsaatigalugit ullutsinnut taamatullu siunissaq eqqarsaatigalugu iluarsaattuarneqarneri aningaasarpassuarnik atuiffiusut eqqarsaatigalugit pisariaqavippoq nutaamik sanaartornissaq aningaasammi iluarsaassinermut atorpeqartartut nutaamik sanaartornikkut annikillisinneqassapput, siunissamullu nutarterinermut aningaasat atornagit naleqquttumik illorsuarmik Inatsisartut ataatsimiittarfiannut allaffissornikkullu sullivinnut atorpeqarnissaat isumatusaarneruvoq.

Aammattaaq siammasissumik isiginnilluni illorsuarmik sanaartornissami pilersaaruteqarneq Siumumi maluginiarparput tamatigoornerusumik atortulersuinikkut pilersaaruteqarnerusoq ilaatigut assersuutigalugu illorsuup pilersinniarneqarnerani innarluutilinnut tamatigoortumik iserfigineqarsinnaanissaa aamma pigaartinneqartoq maluginiarlugu, taamatullu tusagassiornikkut innuttaasut tusarnaartunut atortorisatigut isumannaatsumik peqqinissakkulu pitsaasumik periarfissaqartitsisumik sanaartortoqarnissaa iluarisimaaratsigu Siumumiit oqaatigissavarput.

Illu sapinngisamik atortussanik nunatsinneersunik atortoqarluni napparneqarnissaa kissaattigineqartoq iluarisimaarparput Siumumiillu aalajangiiffigisassatut Inatsisartut Siulittaasoqarfianiit saqqummiunneqartoq tamakkiisumik akuersaarparput.